



Prezantasyon

Prozedlwa Lamannman Sekter Lapos 2023

Delivre par:

NAADIR HASSAN

MINISTER FINANS, PLANIFIKASYON NASYONAL EK KOMERS

Dan Lasanble Nasyonal Sesel

Ile Du Port, Victoria, Mahe, Seychelles

Merkredi le 09 Out, 2023

Msye Spiker,
Onorab Lider Lopoziyon,
Onorab Lider Zafer Gouvernman,
Bann Manm Onorab,
Manm piblik a lekout,

Bonzour.

Msye Spiker, lobzektiv sa bann nouvo lamannman dan Lalwa pour Sekter Lapos 2023, se pou ranforsi e donn bann lankadreman neseler Regilater Lapos, (*osi konni koman Postal Regulator*), sirtou an sa ki konsern son striktir.

Lalwa pour sekter Lapos ti vin anfans an novanm 2010, kot i ti ranplas lalwa sekter Lapos 1863.

Ozordi i enportan pour nou rekonnet ki sekter lapos in vin vreman enportan pour devlopman e lagrandisman nou lekonmi. Dan konteks mondyalizasyon e lagrandisman lekonmi nimerik, sa sekter i annan en gran rol pou zwe.

Savedir, i enportan koman en Gouvernman responsab ki planifye lavenir, pour nou aranz bann striktir legal ki annan an plas pou akonpli sa obzektif.

Msye Spiker, sa bann lamannman ki pe ganny propoze pe entrodwir sa bann eleman swivan:

1. fer Regilater Lapos responsab pou donn ‘license’.
2. Etabli kondisyon pour dirasyon, renouvelman and retir ‘license’.
3. Regilater Lapos pou annan responsabilite bann ‘licensees’.
4. Ranforsi fonksyon ek pouvwar Regilater Lapos
5. Annan en lankadreman administrativ kler pou apwont CEO, staff e kont Regilater Lapos
6. Etabli mekanism kler pou adres bann ka rapel

7. Ranforsi seksyon lofans ek aksyon

I byen note ki pandan travay ki nou'n fer pou moderniz sa lalwa, nou'n fer sir ki nou pran ankont bann pli bon pratik e standar enternasyonal.

Msye Spiker, sa bann lamannman in ganny diskite avek bann operater e i osi enkli zot kontribisyon. Nou remersi zot pou sa, e ki nou a kontinyen travay ansanm pour plis progre dan sa sekter.

Mon Minister i toultan pare pou ekout zot.

Avek sa bann lamannman i kler ki nou pou annan en Regilater Lapos pli for, e i pou pli byen kapab desarz son responsabilite dapre son manda.

An mezir ki Gouvernman i ranforsi kapasite e bann lapwentman nesaser pou fer sa Regilater fonksyonnen, en programm ledikasyon pou osi ganny fer ki tou dimoun i konn plis lo sa lalwa e ki i anmennen pour sesel.

Msye Spiker, an konklizyon mon demann sipor Lasanble Nasyonal pou aprouv sa bann lamannman dan Lalwa Sekter Lapos ki pe ganny prezante.

Mersi, Msye Spiker.